



Republika e Kosovës
Republika Kosovo / Republic of Kosovo
Komuna e Rahovecit



Opština Orahovac/Municipality Rahovec
Kryetari i Komunës – Presednik Opštine – Municipal Mayor

KABINETI I KRYETARIT TË KOMUNËS/KABINET PRESIEDIKA OPŠTINE/MUNICIPAL MAYOR CABINET

Njësia Nr./Br./No 02(Kabineti i Kryetarit të Komunës)

Nr./Br./No 26 Nr. i faq./Br.str./No.pg 97

Data/Datum/Date 10 / 1 / 23

RAHOVEC / ORAHOVAC



INFORMATË RRETH AKTIVITETEVE TË KKSBB-SË PËR VITIN
2022



JANAR – 2023

HYRJE

Të nderuar kuvendarë/e të Kuvendit Komunal të Rahovecit,

Bazuar në ligjin Nr.03/L-040, për Vetëqeverisje Lokale, dispozitave të neneve 3 dhe 4 të Udhëzimit Administrativ Nr. 27/2012 MPB- 03/2012 MAPL dhe Statutin e Komunës së Rahovecit Nr.1005, i datës: 29.03.2017, kemi kënaqësinë të paraqesim para jush raportin vjetor lidhur me aktivitetet, punët, angazhimet dhe arritjet e Këshillit Komunal për Siguri Në Bashkësi përgjatë periudhës janar- dhjetor 2022.

Këshilli Komunal për Siguri në Bashkësi është themeluar me vendim të Kuvendit Komunal me datë 25.01.2022, ku anëtarët e këtij këshilli janë përzgjedhur sipas Udhëzimit Administrativ Nr. 27/2012 MPB- 03/2012 MAPL, ku është bërë shpallje publike, në këtë shpallje janë përcaktuar kriteret të cilat duhet t'i plotësoj një kandidat për të qenë pjesë e këtij këshilli.

QËLLIMI I INFORMATËS

Përmes kësaj informate jemi munduar të krijojmë një pasqyrim të qartë për kuvendarët/et dhe qytetarët, lidhur me aktivitetet e dhe punët që janë kryer në Këshillin Komunal Për Siguri në Bashkësi. Kjo informatë ka për qëllim që të rrit transparencën dhe llogaridhënien e Kuvendit të Komunës së Rahovecit karshi qytetarëve.

FUNKSIONIMI I KËSHILLIT KOMUNAL PËR SIGURI NË BASHKËSI NË KOMUNËS E RAHOVECIT

Këshilli Komunal për Siguri në Bashkësi funksionon në bazë të legjislacionit i cili është në fuqi në Republikën e Kosovës, ligjit Nr.03/L-040, për Vetëqeverisje Lokale, dispozitave të neneve 3 dhe 4, udhëzimit Administrativ Nr. 27/2012 MPB- 03/2012 MAPL dhe vendimit të Kuvendit Komunal me datë 25.01.2022

Këshilli Komunal për Siguri në Bashkësi udhëhiqet nga Kryetari i Komunës z. Smajl Latifi dhe Koordinator i KKSB-së z. Skender Hamza.

ANËTARËT E KËSHILLIT KOMUNAL PËR SIGURI NË BASHKËSI JANË:

- 1.1 Fazli Morina - Komandanti i stacionit të Policisë;
- 1.2 Nysret Abazibra - Bashkësia Islame – Rahovec;
- 1.3 Ylvi Shehu - Teqja e Madhe "Shejh Sylejmanit";
- 1.4 Sabahudin Durguti - Teqja e "Haxhi Shej Iliaz Shehu";
- 1.5 Milan Stanojevic - Kisha Ortodokse serbe;
- 1.6 Biljana Nakalamic – Komuniteti serb;
- 1.7 Egzon Hamza - Komuniteti Egjiptian;
- 1.8 Valon Berisha - Komuniteti Romë;
- 1.9 Bujar Morina - Komuniteti Ashkali;
- 1.10 Bajram Morina, Kryesuesi i Komitetit për Komunitete;
- 1.11 Abestrim Rexhepi - përfaqësues i FSK-së;
- 1.12 Alban Gashi - Zyrtar/e për barazi gjinore;
- 1.13 Avni Morina - Drejtor i Drejtorisë për Arsim;
- 1.14 Erseka Cana - Kryetar i Këshillit të Prindërve;
- 1.15 Enis Berisha - KLSP;
- 1.16 Beqir Hamza - KEVSB;
- 1.17 Shani Hoti – Ratkoc, KLSP- Sektori C.
- 1.18 Besmire Bytyqi - Drejtor i Drejtorisë për Mbrojtje dhe Shpëtim;
- 1.19 Vjollca Gurguli - SHL-Kosova;
- 1.20 Lendrit Qelaj - ZKKK;
- 1.21 Shaip Shala - Media lokale;
- 1.22 Fadil Sylka - Komuniteti i bizneseve;
- 1.23 Lulzim Krasniqi- Përfaqësues i Komunitetit të personave me aftës të kufizuar.

DETYRAT DHE PËRGJEGJËSIT E KKS-B-SË

Përgatitja e planit vjetor të punës dhe zhvillimi i projekteve për rritjen dhe përmirësimin e sigurisë në bashkësi, identifikimi i dukurive negative, që mund të prishin sigurinë publike dhe rekomandojnë planet e veprimit, bashkëpunojnë me policinë për parandalimin e veprimeve të cilat e kërcënojnë sigurinë në bashkësi. bashkëpunojnë me institucionet qendrore, që merren me sigurinë publike, me qëllim të krijimit të një ambienti më të sigurt në bashkësi. Lidhja e marrëveshjeve të bashkëpunimit me KKS-B-të, të komunave fqinje për çështjet e sigurisë në bashkësi, që i tejkalojnë kufijtë e komunës së tyre. Sigurimi i financimit të projekteve nga Kuvendi i Komunës që kanë të bëjnë me sigurinë në bashkësi. Përmes komunës, kërkon nga ndonjë organizatë jo-qeveritare, financimin e projekteve që lidhen me sigurinë në bashkësi, fton në takimet e tyre përfaqësuesit nga MPB dhe institucione tjera gjegjëse, kërkon nga policia përgjigje për rastet që janë me rëndësi për sigurinë në bashkësi, duke mos ndërhyrë në procesin e hetimeve policore. Mbajtja e takimeve të rregullta, bëhet sipas nenit 11, të Udhëzimit Administrativ Nr. 27/2012MPB-03/2012 MAPL.

Kuvendi i Komunës, ruan të drejtën ekskluzive të ndryshimit dhe plotësimit të këtij vendimi të anëtareve të KKS-B-së.

Anëtarët e KKS-B-së kanë mandat të njëjtë me anëtarët e Kuvendit Komunal.

AKTIVITETET E KËSHILLIT KOMUNAL PËR SIGURI NË BASHKËSI PËR VITIN 2022

Në vitin 2022 kryetari i komunës i ka mbajtur gjithsej 7 mbledhje të Këshillit Komunal për Siguri në Bashkësi, ku të gjitha këto mbledhja janë mbajtur sipas planit të aprovuar për vitin 2022, pra janë respektuar të gjitha pikat e rendit të ditës të planit, gjithashtu ka pasur edhe ndonjë pikë shtesë, kjo është varur nga gjendja dhe situata e cila ka qenë në kohën kur është mbajtur takimi.

Përpos diskutimeve dhe debateve që janë bërë në këto takime sa i përket pikave të rendit të ditës, gjithmonë në fund të takimeve janë marr rekomandimet dhe konkluzat.

Më poshtë do iu paraqesim të gjitha takimet nga mbledhjet e Këshillit për Siguri në Bashkësi: Si dhe pikat e rendit të ditës, poashtu edhe konkluzat që kanë dalë nga këto takime.

Mbledhjet e mbajtura për vitin 2022 nga Këshilli Komunal për Siguri në Bashkësi janë:

Pikat e rendit të ditës nga Mbledhja e KKSB-së e mbajtur me 21.02.2022

1. Shqyrtimi dhe aprovimi i procesverbalit nga mbledhja e kaluar;
2. Informatë rreth situatës së krijuar nga pandemia Covid – 19;
3. Vlerësimi i përgjithshëm i gjendjes së sigurisë në territorin e Komunës së Rahovecit;
 - Analizë e sigurisë në territorin e Komunës së Rahovecit për vitin paraprak,
 - Siguria në Trafik,
 - Monitorimi dhe raportimi mbi nivelin e sigurisë në shkollat dhe zbatimin e planit për siguri në shkollat,
 - Rreth veprimeve dhe masave për luftimin e shkelësve të ligjit në Komunën e Rahovecit,
4. Të ndryshme.

Për të gjitha pikat ka pasur diskutime, por si pikë më me rëndësi dhe që ka pasur më shumë interesim ka qenë pika Vlerësimi i përgjithshëm i gjendjes së sigurisë në territorin e Komunës së Rahovecit, në këtë pikë gjithmonë ka raport të detajuar nga Komandanti i Policisë së Stacionit në Rahovec, ku njoftohen anëtarët e KKSB-së rreth situatës së sigurisë në Komunën e Rahovecit.

Konkluzion nga takimi i KKSB-së i datës 21.02.2022

Konkluzioni rreth pikës së dytë: I bëjë thirrje qytetarëve të pa vaksinuar që të vaksinohen, sepse ne si komunë i kemi të gjitha kushtet e përshtatshme që vaksinimi të vazhdojë.

Konkluzioni rreth pikës së tretë: Do të vazhdojmë me zgjerimin e projektit të kamerave të sigurisë, jemi të interesuar që këto kamera të instalohen në çdo fshat të komunës së Rahovecit.

Me instalimin e kamerave rastet janë duke u zbuluar, harroi të cekë komandanti se rreth 30 raste janë zbuluar kjo falë edhe ndihmës të kamerave, inkurajoj policin dhe organet komunale, poashtu edhe anëtarët e KKSB-së që ta risim angazhimin tonë në mënyrë që siguria e përgjithshme e jetës, pronës publike dhe private të jetë në nivelin e duhur.

Organet tona të mos bëjnë kompromise, por të zbatojnë rendin dhe ligjin në mënyrë që të kemi më shumë siguri për qytetarët tanë. Kalojmë në pikën e radhës



Pikat e rendit të ditës nga mbledhja e KKSBB-së e mbajtur me 21.03.2022

5. Shqyrtimi dhe aprovimi i procesverbalit nga mbledhja e kaluar;
6. Informatë rreth situatës së krijuar nga pandemia Covid – 19;
7. Vlerësimi i përgjithshëm i gjendjes së sigurisë në territorin e komunës së Rahovecit,
 - Trotualet, liri i tyre dhe shenjat sinjalizuese.
 - Qentë endacak.
 - Siguria në trafik,
 - Monitorimi dhe raportimi mbi nivelin e sigurisë në shkollë dhe zbatimin e planit për siguri në shkollë,
 - Rreth veprimeve dhe masave për luftimin e shkelësve të ligjit në komunën e Rahovecit,
8. Organizimi i takimit publik me qytetarët dhe kryetarët e fshatrave dhe lagjeve urbane
9. Të ndryshme.

Konkluzion nga takimi i KKSB-së i datës 21.03.2022

Konkluzioni rreth pikës së dytë: Lusim qytetarët që të kenë ende kujdes sepse ende jemi në pandemi edhe pse janë zbutur masat, qytetarët të jenë të kujdesshëm në ato vende ku ka qarkullim të madh të njerëzve. Poashtu lusim qytetarët që të vazhdojnë me marrjen e vaksinës, gjithashtu ata që nuk kanë mundësi të lëvizin për arsye të sëmundjeve le të lajmërohen që të shkojë ekipi mobil tek shtëpitë e tyre.

Konkluzioni rreth pikës së tretë: Kërkesë për stacionin e policisë në Rahovec që ti shtojë patrullimet, poashtu qytetarët duhet të dinë se policia nuk jep dënime për ata që parkojnë në mënyrë të rregullt makinat. Trotualet dhe hapësirat publike të vazhdojnë të lirohen, nuk ka kompromise sa i përket kësaj teme. Anëtarët e KKSB-së të japin kontributin e vetë në planin e ndërgjegjësimit dhe të vetëdijësimit të qytetarëve për gjërat negative.

Në 11 lokacione që i ka përvaktuar drejtoria e shërbimeve publike janë 373 parkingje, këto parkingje do ja propozojmë kurendit komunal dhe përmes një ankandi do ja japim ndonjë operatori në shfrytëzim.

Sa i përket pyetjes për DKA-në, besoj në mbledhjen e ardhshme do ta kemi në pikë sa i përket efikasitetit dhe punët e bëra nga ana e psikologëve dhe pedagogëve të angazhuar qoftë edhe me kontrata të përkohshme në shkollat e komunës sonë. Ne jemi të interesuar që ta risim numrin e psikologëve në shkolla që ta risim vetëdijësimin e nxënësve dhe të mos kemi fenomene në shkollat tona sa i përket drogës dhe veprimet që janë të ndaluara me ligje.



Pikat e rendit të ditës nga mbledhja e KKSBB-së e mbajtur me 19.05.2022

1. Shqyrtimi dhe aprovimi i procesverbalit nga mbledhja e kaluar;
2. Vlerësimi i përgjithshëm i gjendjes së sigurisë në territorin e Komunës së Rahovecit;
 - Shqyrtimi i dukurive negative, me theks të veçantë trajtimi i objekteve jo të sigurta në Komunën e Rahovecit,
 - Monitorimi dhe raportimi mbi nivelin e sigurisë në shkolla dhe zbatimin e planit për siguri në shkolla,
 - Rreth veprimeve dhe masave për luftimin e shkelësve të ligjit në Komunën e Rahovecit,
3. Parapërgatitja dhe vetëdijesimi i qytetarëve për parandalimin nga zjarri gjatë sezonit veror;
4. Identifikimi i çështjeve problematike që ndikojnë në sigurinë publike ndëretnike;
5. Të ndryshme.

Konkluzion nga takimi i KKSBB-së i datës 19.05.2022

Konkluzioni rreth pikës së dytë: Gjendja e Sigurisë në Komunën e Rahovecit është e qetë dhe stabile, pa ndonjë incident i cili duhet veçuar.

programet që ndikojnë në rritjen e sigurisë në shkolla nga ana e policisë do të vazhdojnë dhe do të ketë aktivitete të ndërthurura me organizata të tjera; S.H.L Kosova por edhe komuna do të bëjë punën e vet në bashkëpunim në mënyrë që të kemi siguri më të madhe nëpër shkolla.

Do të vazhdohet me instalimin e kamerave të sigurisë sepse janë një mekanizëm jashtëzakonisht i rëndësishëm që ndikojnë në rritjen e sigurisë në shkolla.

Konkluzioni rreth pikës së tretë: Në bashkëpunim me drejtorinë, njësinë e zjarrfikësve dhe policinë do të përpiqemi të përballemi me këtë situatë në mënyrë më të suksesshme të mundshme, uroj të mos kemi zjarre. Drejtoria për Mbrojtje dhe Shpëtim apo njësia e zjarrfikësve ka pajisje dhe përgatitje të mjaftueshme për përballje me zjarre.



Pikat e rendit të ditës nga mbledhja e KKSBB-së e mbajtur me 05.07.2022

10. Shqyrtimi dhe aprovimi i procesverbalit nga mbledhja e kaluar;
11. Vlerësimi i përgjithshëm i gjendjes së sigurisë në territorin e Komunës së Rahovecit;
 - Prishja e rendit publik nga lokalet e natës dhe personat e pandërgjegjshëm,
 - Masat e parandalimit të lëmosh kërkuesve,
 - Plan i operativ për sezonin e pushimit të bashkatdhetarëve tanë dhe dasmave,
 - Siguria në Trafik,
 - Monitorimi dhe raportimi mbi nivelin e sigurisë në shkolla dhe zbatimin e planit për siguri në shkolla,
 - Rreth veprimeve dhe masave për luftimin e shkelësve të ligjit në Komunën e Rahovecit,
12. Sensibilizimi i qytetarëve për rëndësinë dhe promovimin e bashkëpunimit ndëretnik, ndërfaqetarak dhe multi – kulturor.
13. Të ndryshme.

Konkluzion nga takimi i KKSBB-së i datës 05.07.2022

Konkluzioni rreth pikës së dytë: *Situata e sigurisë e cila është në zonën tonë të përgjegjësisë vlerësohet që është e qetë dhe stabile, pa ndonjë indikacion për prishje të qetësisë dhe ndonjë incidenti të mundshëm.*

Nuk do të lejojmë që lokalet e natës të vazhdojnë veprimtarinë pas orës 23:00, është një vendim në fuqi, propozimi ka ardhur po nga ky këshill dhe duhet respektuar.

I bëjë thirrje qytetarëve të komunës së Rahovecit pa asnjë dallim që mos të keqpërdorin ujin e pijes në mënyrë që mos të kemi në kohë vape reduktive, të përdoret vetëm për qëllime të pijes e jo edhe për ujitje të kopshteve ose perimeve të ndryshme që i kanë nëpër kopshte të tyre.

Trotuaret duhen të lirohen dhe do të lirohen shumë shpejtë sepse nuk bënë më të vazhdoj kështu, prandaj kërkoj nga policia dhe inspektorati të veprojnë edhe me gjoba në mënyrë që trotuaret të jenë të lira. Ju falënderoj shumë, kalojmë në pikën e tretë të rendit të ditës.

Konkluzioni rreth pikës së dytë: *Komunën tonë shumica e madhe janë shqiptar, por ka edhe egjiptian, romë, ashkali dhe serb, ky është promovimi më i mirë në këtë mozaik dhe asnjëherë nuk e besoj që duhet të kemi probleme të natyrës ndëretnike, probleme të cilat kanë të bëjnë me aspektet kulturore edhe pse ka kultura të ndryshme por ne jemi qytetar, por edhe bashkëpunimi ndër fetar, ndërkulturor dhe ndëretnik besoj se të gjitha janë të pranishme në komunën tonë dhe nuk ka arsye që dikush këtë ta sheh ndryshe sepse çdo tentativë që mundohet të sheh ndryshe është jo reale.*

Munden të parashihen poashtu edhe aktivitete sportive, e mirëpresim edhe ndihmën e OSBE-së, si në futboll, basketboll krejt që është sportive, jam i pajtimit që ku dëshironi ju të zgjidhni vendin

dhe kohën ne do jemi aty me ju. Ne e kemi kuptuar shumë mirë promovimin, sensibilizimin dhe bashkëpunimin ndër-etnik me qytetarët e komunës sonë, këtë nuk ka nevojë askush të na tregoj ne jemi të vetëdijshëm për këtë.



Pikat e rendit të ditës nga mbledhja e KKSB-së e mbajtur me 29.08.2022

14. Shqyrtimi dhe aprovimi i procesverbalit nga mbledhja e kaluar;
15. Informatë rreth situatës së krijuar nga pandemia Covid – 19;
16. Vlerësimi i përgjithshëm i gjendjes së sigurisë në territorin e komunës së Rahovecit;
 - Prishja e qetësisë publike nga lokalet e natës dhe personat e pa përgjegjshëm,
 - Trajtimi i mbrojtjes së pyjeve nga dëmtuesit ilegalë,
 - Vetëdijësimi nga minat dhe mjeteve të tjera të pashpërthyera nga lufta,
 - Identifikimi i hapësirave për qasjen e personave me nevoja të veçanta,
 - Siguria në trafik,
 - Raportimi dhe parandalimi i dhunës në familje,
 - Rreth veprimeve dhe masave për luftimin e shkelësve të ligjit në komunën e Rahovecit,
17. Informatë rreth përgatitjes së Festës së vjeljes së rrushit (Hardh Fest);
18. Të ndryshme.

Konkluzion nga takimi i KKSBB-së i datës 29.08.2022

Konkluzioni rreth pikës së dytë: *Situatës rreth pandemisë covid – 19, situata është e qetë dhe e menaxhueshme. Situata me pandeminë nuk e shohim si problem serioz tani pandeminë për shkak sigurisht që vaksinimi ka mundësuar që të kemi një organizëm më të përgatitur dhe t'a luftojmë virusin korona.*

Konkluzioni rreth pikës së tretë: *Gjendja e sigurisë në komunën tonë ka qenë stabile dhe mbetet stabile. Për t'a forcuar edhe më shumë sigurinë në komunën tonë duhet të angazhohemi me ekipet tona, në bashkëpunim me policinë dhe inspektoratin.*

Konkluzioni rreth pikës së katërt: *Policia e Kosovës duhet të përgatit një plan operativ që të shkoj gjithëcka në rregull me datë 2,3,4 shtator sepse pritet të ketë shumë njerëz vendorë e ndërkombëtarë, ministra, deputetë, ambasadorë, diplomatë. Besoj që ne do t'i marrim të gjitha masat edhe si komunë që ngjarja të shkoj si është më së miri.*



Pikat e rendit të ditës nga mbledhja e KKSBB-së e mbajtur me 08.11.2022

1. Shqyrtimi dhe aprovimi i procesverbalit nga mbledhja e kaluar;
2. Vlerësimi i përgjithshëm i gjendjes së sigurisë në territorin e Komunës së Rahovecit,
 - Menaxhimi i parkingjeve në qytet dhe ndriçimit publik,
 - Lirimi i trotuareve dhe hapësirave publike,
3. Plani i kursimeve të energjisë elektrike dhe përdorimi i përgjegjshëm i lëndëve djegëse;
4. Monitorimi dhe raportimi mbi nivelin e sigurisë në shkolla dhe zbatimin e planit për siguri në shkolla,
4. Të ndryshme.

Konkluzion nga takimi i KKSBB-së i datës 08.11.2022

Konkluzioni rreth pikës së dytë: Gjendja e sigurisë në komunën tonë është stabile dhe e qetë, përkundër faktit që ka sfida, shkelje të caktuara dhe probleme të ndryshme që ndodhin çdo ditë, por që janë të natyrave të lehta dhe të cilat nuk e cenojnë sigurinë në qytetin tonë.

Konkluzioni rreth pikës së tretë: Kursimi i energjisë është vendim i qeverisë me masa në fuqi sepse paraprakisht dihet se ka një krizë të thellë të energjisë – prodhim të energjisë e që është bërë krizë globale dhe ky vendim duhet të respektohet nga punonjësit të cilët punojnë në institucione shtetërore, apelojmë të gjithë qytetarët që maksimalisht të mundohen të kursejnë energjinë elektrike.

Rrjedhimisht një kursim i energjisë elektrike si masë efektive që mund ta zbus gjendjen e dimrit që po vjen. Duhet të shpërndahet fuqishëm ky mesazh që të kemi një përdorim sa më të arsyeshëm të lëndëve djegëse. Ne si komunë ndoshta do ta ndalim ndriçimin publik në ato zona ku nuk cenohet siguria.



Pikat e rendit të ditës nga mbledhja e KKSBB-së e mbajtur me 09.12.2022

5. Shqyrtimi dhe aprovimi i procesverbalit nga mbledhja e kaluar;
6. Vlerësimi i përgjithshëm i gjendjes së sigurisë në territorin e Komunës së Rahovecit;
 - Vetëdijësimi për rrezikun e përdorimit të mjeteve piroteknike,
 - Menaxhimi i trafikut – parkingjeve në qytet dhe lirimi i trotuareve,
 - Mikpritja e bashkatdhetarëve për festat e fundvitit,
7. Shqyrtimi dhe aprovimi i Planit të Punës së KKSBB-së për vitin 2023;
5. Të ndryshme.

Konkluzion nga takimi i KKSBB-së i datës 09.12.2022

Konkluzioni rreth pikës së dytë: *Ne jemi të bindur që zhvillimet dhe lajmet e fundit, nuk e cenojnë rendit kushtetues, sundimin e ligjit dhe sigurinë publike të qytetarëve të komunës së Rahovecit. Sipas përvojës që kemi, gjatë festave të fundvitit përdorimi i mjeteve piroteknike është evident. Komuna e Rahovecit do ta nxjerr një urdhëresë për mospërdorimin e mjeteve piroteknike në mjedise publike apo në hapësira ku mund ta prishin klimën publike.*

Situata e sigurisë, në zonën tonë të përgjegjësisë po e rritet edhe në këtë mbledhje që, është qetë dhe stabile pa ndonjë ndryshim të theksuar.

Konkluzioni rreth pikës së tretë: *Është miratuar Plani i Punës së Këshillit Komunal për Siguri për vitin 2023, nga anëtarët e këtij Këshilli, ku më pas ky plan do të shkoj për aprovim në Kuvendin Komunal.*


Skender Hamza
Koordinatori i KKSBB-së


Sinaj Latifi
Kryetari Komunës